

Visoki predstavnik održao govor na Internacionalnom univerzitetu u Sarajevu



Visoki predstavnik Valentin Inzko danas je posjetio Internacionalni univerzitet u Sarajevu, te je studentima govorio o trenutnoj političkoj situaciji u Bosni i Hercegovini i ulozi OHR-a.

U svom govoru, visoki predstavnik je istaknuo da je uloga OHR-a u BiH da se stara o provedbi Daytonskog mirovnog sporazuma, te da pomogne domaćim političarima u njihovim naporima da učine državne institucije više funkcionalnim i učinkovitim.

„Kada pogledam iza sebe, mogu reći da su u više od 23 godine implementacije mira, zahvaljujući napornom trudu ljudi u BiH, uz čvrstu podršku međunarodne zajednice, ostvareni mnogi značajni rezultati. Sada je glavni zadatak za domaće političke snage da se fokusiraju na pitanja koja utiču na živote bh. građana – visoku nezaposlenost, investicije, te borbu protiv korupcije,” rekao je visoki predstavnik.